

南州書院藏書		
徐	湯	殷
編	字	號
13476		



977395

兩晉南北史  
樂府二卷



咏史樂府自元明以來於鐵崖西涯西堂外可與三子  
卓然並峙者惟洪稚存先生當之無愧先生著作等身  
而所撰兩晉南北史樂府及唐宋小樂府悉皆濡古涵  
今準情酌理其論斷之精卓音節之雅馴非兼擅三長  
者能之乎予髫齡時與果庭家兄同讀先生樂府卽愛  
不忍釋每於家塾課畢徜徉游釣閒輒爭相背誦以爲  
樂今忽忽壯且老矣而家兄久歸道山言念昔時情況  
不禁涕下年來校刊楊李尤三家樂府告成因取先生  
之作併付剞劂譬之八珍胥陳各臻其美固詩城之棚  
格亦翰墨之奇觀也世之攻史學詩學者當與予有同  
兩晉南北史樂府

序

一

懺花盒

好焉光緒丙戌陬月懺花主人識

余童時從黃石緘先生遊先生素邃史學平居爲說典  
午南北之際事極詳余聽之靡靡忘倦每日夕自塾中  
歸粗憶其節畧爲諸姊弟言之太夫人顧而色喜忽忽  
十數載余童而冠而先生則已休神家術矣頃歲以來  
粗知讀史又以不獲從先生遊得悉其緒論爲恨今秋  
文戰報罷因取兩晉南北史事雜書之爲擬古樂府百  
一十首非敢計工拙亦以誌童時結習未盡而所聞于  
先生者雖忘失殆半輒振觸于燈昏雨黑時也抑余聞  
先生言西涯西堂皆以樂府名家然西涯上下千百年  
而篇什較少西堂則珊瑚木難與牛溲馬勃並列有陸  
兩晉南北史樂府

序

二

懺花齋

平原多才之嘆則先生雖伏膺二公之樂府而尙不能  
無遺議也因先生言益增今日之愧

乾隆三十五年長至後二日稚存洪亮吉自序

呂子曰樂之有情譬若肌膚形體之性情也情失則蕩音必鉅失則隘音必小失則危音必清失則煩音必濁太鉅太小太清太濁則必若雷霆若聚蚊若哀弦若噪蝸夫古之爲樂也有節有侈有正有淫陽散則定以陰陰閉則宣以陽陰陽滯則爲淫爲侈陰陽調則爲節爲正其所以爲淫爲侈者情之失也其所以爲節爲正者情之得也夫上古之樂情至而樂興中古之樂樂成而情生是故笙簧琴瑟樂之器也詞章譜曲樂之文也而皆非其情也執笙簧琴瑟之所調詞章譜曲之所著而強襲焉脗合焉以爲是樂也是情也人人皆樂樂幾何不亡耶夫漢魏晉唐之樂府樂之糟粕也當其時之爲之則皆有情焉然其文止以述時事非以敘古人也敘古難於述時則以古人之情未必今人之情以情述情無過情無不及情則古今又未必不相及也何也夫人之形骸肥者瘠者高者矮者髯者疾者肌膚之白者墨者赭者而皆不得以已與也然其爲情也則必隨乎其肥瘠高矮髯疾白墨赭者各自肖而各不相肖故其爲樂也可觀可興可羣可怨其爲調也可曲可直可豐可廉皆適如乎其情而止夫適如其情而止雖古之樂府可也况今之樂府乎夫今之詞章譜曲所施於笙簧琴

兩晉南北史樂府

序

三

懺花盒

瑟之用而以爲樂府則樂之名存而樂之實亡矣然而  
吾不以名存實亡而樂府之者何也夫必漢魏之人之  
樂府有是題有是篇而今之人之樂府亦因以有是題  
有是篇是無情也是無樂也若古無是樂而今樂之則  
不必笙簧琴瑟而詞章譜曲固可以如其情而出之譬  
如優孟衣冠以爲樂也吾不謂然陶氏之琴無絃乃真  
琴聲也夫今之樂府鐵崖始之茶陵繼之梅菴又繼之  
稚存洪子曰吾之爲樂府也祖此矣昨歲喜晤洪子且  
喜讀洪子之樂府將以吾之所以論樂府者質之而未  
有以間也今洪子梓其樂府乞余序之余固何以序之  
兩晉南北史樂府

序

四

鐵花盒

錄其將以告洪子者以寄洪子以爲然否耶夫清廟之  
瑟朱弦而疏越一唱而三嘆者有進乎音者矣洪子年  
少力學而性情自得將不徒乎樂之有節無侈有正無  
淫已也異日者且與洪子相遇於無言也

乾隆歲次辛卯夏月松崖學弟管幹珍拜序

兩晉南北史樂府目錄

卷上

馬同槽

廣武嘆

蘇門嘯

社稷勳

作佳傳

別駕謠

峴山碑

飛渡江

銅駝嘆

清談誤

雉短短

金谷讖

中台圻

華亭鶴

除三害

思子臺

兩晉南北史樂府

卷上

目錄

甯馨兒

侍中血

龍虎爭

十二月

赤白氣

特尙可

壯士歌

留降款

中興瑞

夜半舞

王與馬

新亭淚

呼伯仁

拜士行

踐海水

義旗指

獻行璽

一目主

識英物

日書空

海西公

鬼董狐

東山臥

牛心炙

阿房城

長星見

負畚來

行路難

丁零王

新平寺

五經表

借鬼兵

續佛經

槐樹賦

虎臺謀

沐謙刺

彗星出

義熙號

桃源記

兩晉南北史樂府

卷上

目錄

二

懣花齋

兩晉南北史樂府卷上

陽湖洪亮吉著

山陰宋澤元

藏士校刊

馬同槽

聲嘈嘈馬騰槽火炎炎龍上天去年秉黃鉞今年加九錫龍旂十二旒天子在頃刻桃花源武陵船問魏與晉

何茫然

魏武帝夢三馬同食一槽甚惡之謂太子丕曰司馬懿非人臣也 泰始元年晉王炎稱皇帝廢魏主爲陳畱王

廣武嘆

一日哭畱狂名百日醉畱酒名酒名狂名俱不免先生

兩晉南北史樂府 卷上

一 戰花盒

能作青白眼驅車何茫茫廣武何荒荒當時楚與漢  
莽百戰場百戰場斜日下豎子成名尚堪詫擾擾何况  
牛與馬

阮籍登廣武觀楚漢戰處嘆曰時無英雄使豎子成名 籍能爲青白眼見禮俗之士以白眼對之

蘇門嘯

阮生狂耶嵇生傲耶先生何人洽洽嘯耶咸熙魏耶咸  
甯晉耶先生何人冥冥隱耶

孫登隱蘇門山善嘯阮籍見之歸著大人先生論 嵇康從登遊三年問其所圖終不答將別謂曰子才多識寡難乎免於今之世矣

社稷勳

炎精中燼赤帝死祖龍西來作天子大開明堂錫弓矢  
謀臣誰裴與王股肱誰荀與羊金符玉冊何琅琅策勳  
第一推平陽當時曾殺高貴鄉

武帝將廢賈后楊太后爭之曰賈公闓有大勳  
於社稷公闓賈充字 充使成濟殺高貴鄉公

作佳傳

一九藥勞侍婢干斛米作傳紀彼哉譙周及門弟三分  
竊據孫與曹正統那付當塗高君不見一士已沒賴半  
士定論早出習鑿齒

陳壽遭父喪使婢丸藥謂丁儀子曰覓千斛米爲尊  
公作佳傳 習鑿齒作漢晉春秋以蜀爲正統因有  
塞疾苻堅 稱爲半士

兩晉南北朝史樂府

卷上

二

懺花盒

別駕謠

海沂之康實賴王祥邦國不空別駕之功嗚呼別駕今  
三公惜哉不作徐州終

王祥爲徐州別駕郡中謠云云  
魏七入晉官太保年八十五始卒

峴山碑

杜公碑碑書功高岸爲谷谷作陵

叶

羊公碑碑墮淚茫

茫淚枯碑不碎碑不碎由民心君不見古來賢達皆爭

名羊公碑後碑俱泯此碑非金亦非石碑之崇崇以德

羊祜墮淚碑在襄陽峴山 杜預好爲後世名刻石  
爲二碑紀其勳績一沈萬山之下一立峴山之上

飛渡江

前揚帆後執柁南人倉皇北人坐橈居前楫居左岸軍  
愁呼水軍臥城門開降帆來七萬騎全軍回當時若聽  
王渾指北兵安得飛至此

王濬率舟師直抵建業吳人曰北來諸軍乃飛渡江也  
詔濬至秣陵受王渾節度渾遣信令濬暫過計  
事濬舉帆直指報曰風利不得泊也

### 銅駝嘆

立人當立德擇子先擇嫡宮門老臣三嘆息銅駝會見  
在荆棘老奴亦言座可惜爲官乎爲私乎此座何不歸  
桃符

索靖知天下將亂指洛陽宮銅駝嘆曰會見汝在荆  
棘中齊獻王攸小字桃符武帝嘗指御座曰此桃  
兩晉南北史樂府

### 卷上

三

懺花盒

### 清談誤

王與謝揮麈尾樂與衛饒名理清談疊疊從天來洛中  
已建單于臺

王弼謝琨善清談樂廣衛玠善名理桓溫自江陵  
北伐登平乘樓望中原嘆曰遂使神州陸沈百年正  
墟王夷甫諸人  
不得不任其責

### 雉短短

雉短短飛來入宮院欲竊主權欺主閭昨日殺龍母今  
日殺龍子可憐銅駝宮化作荆與枳

惠帝后賈充女也武帝嘗曰賈公女有五不可種妬  
后廢楊太后於金墉城絕膳八

日而卒 使太醫  
令程據毒太子

### 金谷讖

紅蕤花開置行幕一盃兩盃緩行樂美人頭向盤中落  
珠歌翠舞斲斜陽珊瑚七尺施作牀人間夢醒春茫茫  
花枝如烟墮高閣散盡黃金恣揮霍白首同歸訊潘岳  
潘岳金谷園詩投分寄石友白首同所歸  
後岳與石崇同死趙王倫之難遂成讖

### 中台圻

去年誅韓信今年醢彭越駿珖既首禍瓘亮亦繼沒南  
風當國勢絕倫手持天下歸先生 叶 中台星圻日復蝕  
先生不言務簡默金墉城太后薨許昌宮太子凶誰與

### 兩晉南北史樂府

#### 卷上

#### 四

戲花盒

### 殺者張司空

中台星圻張華少子勸華遜位華不聽 華將死  
謂林曰卿欲害忠臣耶林稱詔詰之曰卿爲宰相太  
子之廢不能死節何也華曰式乾之議諫  
事俱在曰諫而不聽何不去位華不能答

### 華亭鶴

華亭鶴雲間哭聲何悲悲二陸白袷喜談兵貉奴甯作

督機山深三泖陰蓴鱸千里方揚舫此時笑殺張季鷹

陸機將死嘆曰華亭鶴唳可得聞乎 張翰  
聞秋風起思菰菜蓴羹鱸魚膾即日挂冠歸

### 除三害

禾今芄芄稷兮翼翼父老不樂仰天太息 解一 長跪告父

老父老究何苦父老不苦長橋之蛟與南山之猛虎 解二

父老慎勿悲山有虎兮虎可摧水有蛟兮蛟可揮兒不讀書兒身何為三解兒讀書讀書不忘始少慕奮身十年

俠士長慕事親十年孝子四解兒讀書讀書不近名兒為

良臣兮天王聖明兒為忠臣兮讒人釁成五解

周處為御史中丞梁王彤違法處深文按之及齊萬年反彤都督關中諸軍事賊有眾七萬彤逼處以五千兵擊之絀盡矢絕遂力戰而沒

### 思子臺

南風狂惠風閉千歲觸骸齒牙利承華門詔誰作黃門侍郎有潘岳許昌宮逆誰預黃門將軍有孫慮思子臺愁雲結許昌一聲飛蓋裂金墉城中貯金屑

### 兩晉南北史樂府

#### 卷上

五

懺花盒

惠帝為愍懷太子立思子臺 太子妃名惠風 太子喪發許昌大風雷電幢蓋飛裂 賈后廢金墉城飲金屑酒死

### 甯馨兒

甯馨兒乃具媚人骨少無宦情皇皇詣闕長無宦情營營三窟一代龍門竟誰識可憐車前拜石勒阿堵積室中持籌亦錢癖新婦可作阿戎匹

王衍勸石勒稱帝 衍妻郭氏好聚斂嘗令婢以錢繞牀使衍不得行衍晨起見之謂婢曰舉阿堵物卻

### 侍中血

長安門開鼓聲死賊騎如雲走天子西來從輦無一人萬乘蒼茫草間止行間殺氣何紛紛侍中獨拜車前塵

馬前飛矢着龍節侍中獨濺衣上血侍中血中散琴琴聲欲絕日欲沈有子乃不傳廣陵

嵇紹蕩陰死節血濺帝衣後左右欲浣帝曰嵇侍中血勿浣也。嵇康將刑顧視日影索琴彈之曰廣陵散于今絕矣

龍虎爭

虎皇皇北來牽兩狼南飛值龍龍角張洛中碩鼠尺二

長解莫打虎打虎先傷龍龍鱗十五五解莫打鼠打

鼠已驚犬犬聲欲聞數武解雄鷄默雌鷄啼犬馬死小

馬飢解

元康中童謠虎從北來鼻頭汗龍從南來登城看指齊王罔成都王穎永嘉初童謠洛中碩鼠尺二長

兩晉南北史樂府卷上

六 懺花盒

若不早去大狗至鼠指東海王越狗指苟晞太

十三月

十一月狼生羆五月羆生徐羆生已難禦徐生柰何

許蛟龍何況得雲雨絳灌無文隨陸無武以之讀書橫

覽今古父作蒙珠離子作遮須夷神州擾擾不可止洛

中又出新天子

劉淵十二月而生淵子聰五月而生聰子嘗死復蘇見淵為蒙珠離國主且曰遮須夷國無主待汝父之為

赤白氣

旗獵獵天門開雲中天子騎龍來赤光耀以西白氣耀

以東非烟非霧杳不知其濛濛熒熒煌煌遂開明堂礪  
礪落落雄藝卓犖石武鄉一生低首惟高皇幕中乃有  
張子房

石勒生時赤光滿室白氣自天屬於中庭 勒嘗謂  
人曰若逢高皇當北面事之遇光武當並驅中原  
勒以張賓爲謀主  
賓自比張子房

特尙可

鍾離崩陷石穴一如丹一如漆入穴多于蟲出穴莫敢  
雄拔劍刺屋居其中鹽神冉冉兮紛相從神之一飛兮  
九日盡落浹旬茫茫兮不見城郭天空空野夢夢遣以  
青縷射以雕弓鹽神去王廩地特與雄廩君裔欲寄食  
兩晉南北史樂府卷上 七 懺花齋

窟作賊官貪如狼政如火李特尙可尙殺我

李特爲廩君苗裔先鍾離山崩陷赤黑二穴出黑穴  
者四姓出赤穴者卽特先五姓爭爲神相約以劍刺  
穴屋惟廩君劍獨著遂爲神有鹽神從之其飛開天  
廩君射殺之天乃開朗 特據廣漢百姓謠曰李特  
尙可羅  
尙殺我

壯士歌

七尺刀八尺鞍壯士歌悲陳安啾啾唧唧天陰雨黑伏  
兵邀我西飛騎追我北班騅無聲草間匿嗟嗟見入不  
見出西流水東流河壯士歌柰爾何

陳安與趙將平先戰會日暮雨甚匿於山  
中爲呼延青所殺隴上人思之作壯士歌

畱降款

一千義軍守陴哭城中天子亦食粥誰歟守者索都督  
長安城闕生蒿萊長安城門不肯開車騎來萬戶來

劉曜逼長安城中飢甚愍帝食麴屑粥索琳畱降款  
不發使子說曜曰若許琳以車騎萬戶者請以城降

### 中興瑞

綿綿延延華光燭天王氣萃此者五百二十六年時已

過運乃昌朱旗卓地一丈長金符落天走建康化龍一

馬興真王龍爲王馬遂亡

始秦時望氣者云五百年後金陵有天子氣至晉元  
帝中興果五百二十六年初元石圖有牛繼馬後  
故宣帝深忌牛氏及恭王妃夏后氏竟通小吏牛金  
生元帝太安時童謠五馬浮渡江一馬化爲龍

### 夜半舞

兩晉南北史樂府卷上

八

懺花盒

鷄三聲客三喚起視東壁有疎燈啟明光已亂英雄乘  
時空浩嘆元明之間久無旦

祖逖與劉琨俱爲司州主簿共被  
同寢中夜聞荒鷄鳴蹴琨起舞

### 王與馬

王與馬共天下將軍前丞相亞將軍無謀丞相詐丞相  
謂將軍三州勢堪藉事成爲王失爲霸嗚呼將軍遽叱  
咤鼓頻頻肆逆氛丞相大義已滅親白旗懸首煩將軍

王敦王導秉政時人語曰王與馬共天下永昌九  
年敦率衆內向以誅劉隗刁協爲名敦死懸首南

析莫敢  
收葬者

### 新亭淚

慎勿學楚囚對慎勿灑新亭淚天茫茫天方醉人茫茫  
人方睡

過江人士每至暇日相要出新亭飲宴周顛中坐嘆曰風景不殊舉目有山河之異皆相視流涕王導愀然變色曰當共戮力王室克復神州何至作楚囚相對

呼伯仁

渡江來不安坐茂倫一言伯仁賀向見夷吾在江左夷  
吾有急呼伯仁伯仁百口還累君為君瀝肝膽為君全  
令名叶伯仁言感天子夷吾不言伯仁死三司耶令僕  
耶知人不易古所嗟夷吾亦殺鮑叔牙

王敦反王導每旦率子弟詣朝待罪見周顛入導呼曰伯仁以百口累卿顛不應及入為導申救甚至出

兩晉南北史樂府

卷上

九

懺花盒

又上書明導忠誠導不知甚恨之及王敦問顛于導三問不對敦遂殺之

拜士行

朝亦運百甓暮亦運百甓欲清中原還致力古人陰惜  
寸今人時擲尺欲清中原先惜日叶陶士行真名臣神  
機魏武忠孔明叶陸遜陸抗非其倫前年擊杜叡今年  
殺蘇峻君不見元規枉自受顧命賊來亦拜陶士行

蘇峻反庾亮請陶侃拜謝侃止之曰庾元規亦拜陶士行耶尚書梅陶與曹識書曰陶公機神明鑒似魏武忠順勤勞似孔明陸抗諸人不能及也

踐海冰

北風吹海海欲立海底潛蛟抱冰泣馬蹄踏海聲隆隆

三日不圻玻璃宮玻璃平鋪三百里鐵騎茫茫踐之起  
君不見一聲篳篥海水開海底已執乖龍回

燕慕容皝討慕容仁天寒海凍從昌黎東踐海  
冰而進凡三百餘里仁部下叛執仁以降

義旗指

去年反王敦今年反蘇峻六師束手庾元規八州觀望  
陶士行君父之難安可逃義旗一指天爲高官軍已成  
白石壘賊騎不越朱雀橋功成倘憶絕裾處夜夜精靈  
泣牛渚

蘇峻之難温嶠約陶侃東下後侃以糧盡欲返嶠謂  
曰公若沮衆敗事義旗將回指于公矣初嶠欲將  
命母崔氏固止  
之嶠絕裾而去

兩晉南北史樂府

卷上

十

鐵花盒

獻行璽

獻行糧獻行璽尚薄袁本初何敢學成李二十八宿纏  
宮門大業無愧張耳孫龍章九錫未入告白恰入棺還  
自悼還自悼百六乾坤總羣盜執手傳家自忠孝

前涼張軌漢張耳十七世孫據涼時有元石白點  
成二十八宿子茂以未受王命白恰入棺勉嗣子  
以忠

一目主

長安天子眇一目長安城中月鼎足妖星茫茫射黃屋  
死我者堅活我雄東海大魚化爲龍男皆爲王女爲公

苻生眇一目童時祖洪戲之曰吾聞瞎兒一淚信乎  
生引佩刀刺出血曰此亦一淚也性殘忍祖洪欲殺

之雄勸乃止 生立太史  
奏長安城中三月並出

識英物

兒勿啼兒啼驚一切兒啼何奇知兒是英物兒勿來兒  
來光一室兒來何殊知兒有奇骨星茫茫墮兒頰中七  
山巖巖橫兒頂中一君不見溫太真擅奇術燃犀照餘  
幽魅出何不攜來照英物

桓溫生未朞溫嶠見之曰此兒有奇骨可試  
使啼及聞其聲曰真英物也 溫面有七星

日書空

夷甫矜空談神州已陸沈深源復中起蒼生更誰倚嗟  
嗟一百年處士相後先書空計已左周旋猶作我東山  
兩晉南北史樂府 卷上 十一 懣花盒

捉鼻四十春蒼生所望真斯人  
殷浩被廢在信安終日恆書空作字揚州吏  
民尋義逐之竊視唯作咄咄怪事四字而已

海西公

局縮肉馬作犢海西公犢化龍犢化龍是龍子朝向離  
宮生暮向吳宮死吳宮死悲何如君不見永嘉袖手永  
昌呼入廟曾言帝室儲何因龍種欺黃犢會見鷄雌擾

鳳雛

海西公不男使左右向龍與內侍接生子以爲世子  
民間謠云本言是馬駒今定成龍子 局縮肉元帝  
時謠 孝武時謠云  
黃雌鷄莫作雄父啼

鬼董狐

鬼董狐事何略天地茫茫總初覺元凱誰憐而攫元海  
誰鱗而躍敦與温重筆削君不見枋頭既敗史筆誣定  
論只有鬼董狐

于寶作搜神記劉惔曰卿可爲鬼之董狐 杜預在  
荊州因宴醉臥外人聞嘔吐聲竊窺於戶見一大蛇  
垂頭而吐 劉淵母祈子于龍門見一大魚頂有二  
角伏于祭所夜夢旦所見魚變爲人遂生淵 孫盛  
作晉陽秋直書枋頭之敗温見  
之大怒孫諸子懼遂竊改之

### 東山臥

大謝執如意小謝揮麈尾中謝無所爲冷冷善名理一  
門羣從真無慙閨中飛絮還撒鹽君不見四十東山臥  
初足與人同憂亦同樂別墅風流賭棋局

### 兩晉南北朝史樂府

卷上

十一

懽花盒

謝安兄奕爲桓温司馬喜執玉如意弟萬嘗著鶴氅  
裘白綸巾 安悅兄子元戲賭紫香囊得卽焚之

### 牛心炙

欲知名啖牛心欲書名聚鷺羣 君不減阮主簿今可  
伍王懷祖攜諸子抱弱孫婚嫁畢學向平學向平事亦  
足中年以後傷哀樂 得閒且自陶絲竹

王羲之十三時詣周顛時重牛心炙坐客未啖顛先  
割啖之前是知名 阮裕有重名爲王敦主簿敦嘗  
謂羲之曰汝不減阮主簿  
王述字懷祖與羲之齊名

### 阿房城

鳳凰鳳凰止阿房一雌一雄雙翱翔不見雀來入燕室  
但見浮雲閉白日鳳西飛雀東飛腸斷朱宮復紫隄錦

袍一領軍前卻鳳凰鳳凰不如雀

苻堅時謠云一雌復一雄雙飛入紫宮又謠云鳳凰鳳凰止阿房時慕容冲與姊清和公主俱有寵慕容垂妻亦得幸於堅與同輩宦者趙整歌曰不見雀來入燕室但見浮雲閉白日慕容冲逼長安堅使送錦袍一領冲卻之

長星見

熒惑入南斗天子下殿走熒惑來天垣天子坐未安坐未安亦何有長星勸汝一盃酒臣願天子聖列辟賢追古七十二帝恩絲延臣更左執矢右執鞭妖星射落淵底眠陛下聖壽千萬年

長星見孝武帝甚惡之于華林園舉酒祝曰長星勸汝一盃酒自古何有萬歲天子耶

兩晉南北史樂府

卷上

三

讖花盒

負春來

負春來洛陽鸞望塵來司隸逐卿無忘螭蟠朕無忘龍伏嗟嗟景畧奪何速不事西夷事南服八公山悲苻融五將山毒吳忠景畧有君死萇手景畧有兒繫泓首丕登先亡鎮惡後鎮惡死報苻氏

王猛少時鬻春於市苻堅七歲戲官道左徐統戲曰不畏司隸縛耶堅至五將山姚萇遣將軍吳忠圍之求傳國璽不得遂縊堅猛孫鎮惡奔晉隨劉裕滅後秦爲沈田子所殺

行路難

行路難歌以哭四座茫茫慘無樂松柏何啾啾屋下尸自愁輓歌何慨慷道上殞自狂袁山松愁何工君家

兄弟才偏雄呼盧十萬擲布帽卿輩可識袁彥道

袁山松喜歌行路難詞又喜道上作輓歌時謂張湛屋下陳尸山松道上行殞袁耽字彥道桓温嘗博進負數萬求濟于耽耽許之就局十萬一擲直上百萬探布帽擲地曰竟識袁彥道不

### 丁零王

丁零中一隅地幾人稱王幾人帝

翟斌據丁零慕容垂以為河南王翟釗改元定鼎後敗為慕容永所殺

### 新平寺

長星出天十丈長東掃宛洛趨雍涼明光殿前老父走

甲申乙酉悲魚羊魚羊食人人更少長安十陵長秋草

威鳳重飛入禁中蛟龍更出屯官道東帝鮮卑西帝秦

兩晉南北史樂府

卷上

十四

蠟花齋

英雄歸骨向新平襄登自構君臣禍垂永還操門戶兵

後秦姚萇縊堅于新平佛寺堅時有人于明光殿大呼曰甲申乙酉魚羊食人慕容永為西燕後燕主

垂復滅之苻登載堅木主與萇戰每事必啟主後行

### 五經表

宗生去大事已趙生來大事濟彼棄龍頭附蛇尾才何

奇九州小書何奇五經表不處城廬處洲島沮渠據北

乞伏西自鄮以下還無譏

秃髮烏孤據廣武秦王興使韋宗規之歸曰吾乃知九州之外五經之表復自有人也宗生名敞趙生名振烏孤曰吾得趙生大事濟矣沮渠據張掖乞伏據金城

### 借鬼兵

城門西鬼兵十萬啾啾啼城門東陰旗獵獵愁燐紅賊  
騎欲向南鬼伯趨趨趨賊騎欲向北啾啾啼鬼伯城門  
開待鬼來椒漿爲汝奠靈甲爲汝裁一朝賊退歸海中  
幕府上簿皆鬼功鬼兵不來兮柰何許賊兵皇皇今矢  
如雨風折兮蝥弧血染兮頭顱將軍苦身折天師竟無  
術彼夫人兮真丈夫抽刀殺賊賊卽呼天壤欲似王郎  
無

孫恩攻會稽內史王凝之素奉天師道官屬請出兵  
凝之曰我已請大道借鬼兵守諸城門各數萬不足  
憂也及賊遂爲恩所殺妻謝  
道蘊聞變肩輿出手殺數人

續佛經

兩晉南北史樂府

卷上

五

懺花龕

君不見長安天子好禪論浮圖沙門多以萬殿陞空陳  
豐草詩深宮自進伊蒲飯又不見長安天子多武功蜀  
氛西靖燕東封一朝熒惑星失守萬劫昆明火更紅可  
憐德修期愈促自謂當時邀佛福邀佛福三千佛經盈  
臥閣萬死難懺姚萇惡

後秦姚興好佛與鳩摩羅什續佛經長安里中沙門  
至萬人興好獵杜挺著豐草詩以諫熒惑入匏  
瓜中忽亡不知所在是歲秦大旱  
昆明池竭童謠詭言國人不安

槐樹賦

槐樹賦述志賦撰作遐方一何富上馬能殺賊下馬作  
露布龍吟夜半興真人譜系乃出飛將軍彼夫人兮亦

清節三年不言似亡息

西涼王李暲隴西人李廣裔著槐樹賦述志賦夫人尹氏有志節以先適馬元正三年不言

虎臺謀

兄為囚妹為虜父命事仇無不可叶父已死兄已誅父命殺仇仇即夫父仇不報豈女子反面事人有餘恥事已不成甯惜死黃泉有血流浩浩九州之外五經表

南涼王得檀女為秦王熾磐后與其兄虎臺謀殺熾磐事泄死

沐謙刺

一尺七首三尺雲首提革囊飛入秦飛入秦殺龍子感恩茫茫復中止君有疾吾侍之君有藥吾奉之涔涔淚兩晉南北史樂府卷上

夫

懺花盒

下不能止義士今時為君死匣中夜半風颼颼恨不飛斬仇人頭

劉裕使沐謙刺司馬楚之楚之待謙甚厚謙未得間乃夜稱疾楚之果自齋湯藥往視情意勤篤謙感楚之恩反為之用

彗星出

明堂坐一龍纔升一龍墮慟哭來徐公徐公得無過星離離入太微經北斗絡紫微茫茫一百二十祀酖君以生不如死晉亡亦有死節士

彗星出天津晉恭帝禪位於宋自遜于瑯琊第秘書監徐廣痛哭謝晦曰徐公得無小過裕使張偉酖

帝偉曰酖君以生不如死遂自飲而卒

仇池一隅世忠孝宋家日月飛不到永初年間義熙號  
當時彤弓與盧矢老臣自當臣晉死我死善事新天子  
嗚呼國亡不與亡柴桑處士仇池王

仇池王楊盛聞晉亡不改義熙年號謂世子元曰吾  
老矣當終為晉臣汝善事宋帝及元立始用元嘉年  
號

桃源記

不聞人聲但聞琴聲不聞絃聲但聞指聲桃源中人義  
皇上人何論魏人何論晉人

陶潛性不解音畜素琴一張絃徽不具每朋酒  
之會則撫而和之曰但識琴中趣何勞絃上聲

兩晉南北史樂府

卷上

七

懺花盒

兩晉南北朝史樂府目錄

卷下

一尺劍

味卿言

金昌亭

東山辰

檀江州

春日畋

封狼胥

佛狸識

宜速斷

見要人

竹林堂

違導旨

領軍腹

石頭城

天王家

移吾牀

兩晉南北朝史樂府

卷下 目錄

易犬子

郎君書

解散髻

八騶嘆

闕武堂

合肥捷

談風月

山中相

鹿子開

房公馬

鮮卑奴

水東流

南飛吉

明月謠

狐非狐

金甌缺

臣如龍

寒山石

百年冤

握槊來

劉桃枝

金叵羅

延年杖

無愁曲

百升謠

殺一圍

腳杖痕

景陽樓

高涼洗

阿干歌

附外域

魚鼈橋

鬼鼓喧

雌雉卜

金羊牀

新羅人

雨爲歲

孔雀羣

燉煌西

日出處

南晉南此史樂府

卷下 目錄

二

懺花盒

兩晉南北史樂府卷下

陽湖洪亮吉著

山陰宋澤元瀛士校刊

一尺劍

一尺劍馴兩蛇五百載還劉家解炎精斷典午亂真人

興紹皇漢二草肅肅沒輦轂金之刃之悔不速三解

宋武帝本漢後為高帝弟楚元王交裔武帝伐荻新洲大蛇長數丈射之傷明日見數童子青衣擣藥

宋時有童謠云欲知其姓草肅肅蓋蕭道成受禪之讖

味卿言

恪誰長慕容暉有霍光猛誰伍秦苻堅有仲父裕誰堪

司馬宗有曹瞞知人何詳已何略如君之才總誰角可

爾晉南北史樂府卷下 一 戲花盒

憐死慙高著作

崔浩與魏太宗論近世將相之臣太宗悅賜御縹醪十瓠水精鹽一兩日朕味卿言如此鹽酒浩後以

誤國史族誅高允為著作郎十七年不遷官

金昌亭

東華哭聲猶未已司空中書執戈起同謀亦聞檀道濟

廬陵何人武皇愛子陛下弟金昌亭邊鼓聲沸磨刀霍

霍且及帝五蛇升一龍去龍歸若得瞻皇馭應問爾來

何太遽

徐羨之與傅亮謝晦受遺詔輔少帝帝居喪無禮羨之等令檀道濟引兵入廢帝為營陽王復弒之金昌

亭并殺廬陵王義真

東山展

東山展展不釋展不釋作山賊西堂夢夢莫論夢莫論  
思王孫君才苦多實苦少別夢盈盈滿春草君心苦雜  
迹苦幽探奇累累山靈愁山靈愁向天訴桃墟邨中夜  
相捕君鬚成佛骨未仙生天乃落孟顛前

謝靈運既徙廣州欲要合鄉里小兒于三江口篡取  
為秦郡將宋齊所發于桃墟邨獲七人靈運遂坐誅  
靈運將刑捨鬚作雜摩詰像孟顛事佛精懇靈  
運素輕之曰卿生天當在靈運前成佛當在靈運後

檀江州

可憐白浮鳩枉殺檀江州萬里長城君自毀明年飲馬  
長江水長江飲馬君有知目光裂電神駢馳

南晉南北史樂府

卷下

二

戲花盒

魏人聞檀道濟雄名禪之圖以禳鬼道濟破收脫  
幘投地怒曰乃壞汝萬里長城魏太武引兵南下  
文帝登石頭城望之謂江湛曰  
檀道濟若在豈使胡馬至此

春日畋

咄爾叢嗟爾笠曷不遠暉我馬欲逸咄爾騎嗟爾王曷  
不傍皇我田欲荒一日荒不得實一日飢不得活王將  
四征營三驅驅斥老農胡爲乎還君壺觴不敢食我田  
我田食我力

衡陽王義季都督荆湘嘗春月出畋有老父破苦而  
耕左右斥之老父曰盤於游畋古人所戒今陽和布  
氣一日不耕民失其時柰何以從禽之樂而  
驅斥老農也義季曰賢者也賜之食不受

封狼胥

朔風一夜長城倒百萬甲兵如電掃石頭城上烽連天  
不見居人見秋草秋草秋肥胡馬驕江南地赤總無苗  
雍徐白骨連青冀又見催書集飛騎君不見耕當問奴  
織問婢封狼居胥亦何易

宋文帝欲經畧中原王元謨尤好進策帝曰觀元謨  
言令人有封狼居胥意沈慶之諫曰耕當問奴織當  
問婢陛下伐國而與白面書生謀之何由濟帝不聽  
魏人凡破南徐徐兗豫青冀六州所過赤地無苗  
春燕歸巢  
於林木

### 佛狸識

江水飲莫飽佛狸死江島去年歲在寅今年歲在卯崔  
伯深死亦早

爾晉南北史樂府

卷下

三

藏花盒

魏太武南下童謠云虜馬飲江水佛狸  
死卯年佛狸太武小字 崔浩字伯深

### 宜速斷

禁林半夜愁烏號深宮一舉雙鴟梟梟食母鏡食父  
假以羽翼授以刀齋宮門開燭未滅舉几一揮指齊裂  
湛之不斷江湛遲陛下裁弟難裁兒難裁兒已殺父嗟

嗟雙鴟梟更假一鸚鵡

太子劭始興王濬與嚴道育王鸚鵡巫蠱事發帝欲  
廢太子劭賜濬死與徐湛之江湛王僧綽謀之僧綽  
曰事宜速斷當斷不斷反受其亂帝久不決更以謀  
告潘淑妃妃濬母也以告濬於是太子劭遂與濬弑  
帝并殺潘淑妃徐  
湛之江湛俱死

### 見要人

衣如鶉馬如狗道逢八驢不得走平生不喜見要人要人近復生公門君不見要人耶亦堪喜陛下有綸臣仲禮

顏延之子竣既貴常乘羸牛策車道逢竣齒簿即屏往道左謂竣曰平生不喜見要人今不幸見汝侯景圍臺城邵陵王綸及都督柳仲禮拔兵不戰梁武帝嘗問策於柳津對曰陛下有邵陵臣有仲禮不忠不孝賊何由平

### 竹林堂

甯馨兒父不知渠大齧鼻何如斯齧鼻不懼鬼射鬼鬼殺爾今日當屠豬急付大官廚豬來代爾宰天下竹林堂空鬼亦怕

### 兩晉南北史樂府

卷下

四

懺花盒

廢帝射鬼於竹林堂為壽寂之等所殺王太后疾篤呼廢帝不往怒曰那得生甯馨兒帝入太廟指世祖像曰渠大齧鼻如何不齧帝嘗惡湘東王彧呼為豬王一日忤旨帝縛之使擔付大官廚曰今日屠豬建安王休仁笑曰豬未應死待皇太子生彧遂免

### 違導旨

欲言耶負導旨不言還負翟黑子宮中門啟戈矛森臣甯負迹不負心天威煌煌距尺咫臣甯負生不負死高渤海真純臣天文書上天顏温臣才區區勞獎述清河司徒臣不及

高允嘗授太子經及崔浩國史事發并欲誅允太子入言允小心謹密且制由浩請赦其死魏太武問曰國書皆浩所為乎對曰浩所領事多總裁而已至於著述臣多於浩太武怒曰允罪甚於浩何以得生大

子懼曰天威嚴重允迷亂失次耳臣向問皆言浩所  
爲太武問信如東宮所言乎對曰臣罪當滅族不敢  
虛妄殿下哀臣欲乞其生耳太武謂太子曰臨死不  
易辭信也爲臣不欺君貞也遂赦之允退謂人曰我  
不奉東宮導旨者恐負翟黑子耳先是翟黑子奉使  
并州受布千匹事發謀於允允勸首實翟黑子不從  
太武殺之魏太武使允集天文災  
異書凡八篇太武善之謂不減崔浩

### 領軍腹

七日宴慎勿開司空血裏長安臺牽牛星慎勿見蒼梧  
首離仁壽殿江州首禍徐州亡天意總在蕭建康箴中  
有箭箭有鏃痛恨不穿領軍腹

宋明帝以七月七日殺巴陵王休若後廢帝亦以七  
夕死 帝醉寢仁壽殿令楊玉夫伺織女渡河曰見  
當報我不見當殺汝玉夫懼遂弑之 帝嘗直入領  
軍府值蕭道成晝臥帝畫其腹爲的欲射之以王天

### 兩晉南北史樂府

#### 卷下

五

懺花會

恩言遂以  
髀箭射

### 石頭城

石頭城悲孝子悲忠臣甯爲祭死慙淵生叶江陵市爲  
忠臣爲節士不作充生作陵死

袁粲與子最同死曰汝不失孝子我不失忠臣 沈  
攸之將起兵曰吾甯爲王陵死不作賈充生 攸司  
馬邊榮亦  
不屈死

### 天王家

生不落降王車死不入天王家王敬則虎而翼板輿迎  
居別宮耳司馬家亡亦如此王光祿獺尾哭與亡兩見  
勿復哀鸞飛又向天邊來

宋順帝禪位於齊王敬則以板輿入迎帝曰欲見殺乎敬則曰出居別宮耳官先取司馬家亦如此帝曰願生生世世勿復生天王家右光祿大夫王琨晉世已爲郎中至是攀車獼尾慟哭曰人以壽爲歡臣以壽爲戚旣不能先驅螻蟻遂復頻見此事

### 移吾牀

紀僧真無所須從官乞作士大夫士大夫非天子命江家謝家聽不聽欲娶須造中書堂欲貴須近尙書牀挑笙三尺牀七尺尙書移牀遠俗客

紀僧真得幸於齊武帝請曰臣出自武吏階榮至此爲兒復得婚荀昭光女無所復須但願乞作士大夫武帝曰此由江敬謝論可自詣之僧真詣敬登榻坐定敬顧左右曰移吾牀遠客僧真喪氣返曰士大夫固非天子所命

### 兩晉南北史樂府

卷下

六

戴花盒

### 易犬子

延昌宮中國祚短神龍墮地化作犬楊婆咒禱空紛紛甯知金翅銜王孫王孫憶翁須好作翁死旬時還奏樂花枝裊裊春綿綿楊郎宮中恣醉眠狐裘錦衣左右直徐郎殿前躬畫敕甯失官家朝莫犯周侯刀甯違至尊訓莫拒舍人命禁中刀敕空縱橫國運詎識歸宣城尙書不言侍中走舉朝盡醉吳興酒

齊武帝時有小史姓皇名太子帝爲移點於外作犬子何點曰太子作犬不得立矣後文惠太子果卒鬱陵王爲皇太孫時令女巫禱祀速求天位及太子卒益加敬信世祖崩大斂畢卽呼伎作樂帝左右楊珉與何后同寢處帝寵任綦母珍之周奉叔及宦者徐龍駒等珍之有所求無不應有司相語曰

亂拒至尊救莫違舍人命奉叔有單刀二十口嘗語  
人曰周侯刀不識君龍駒至代帝畫敕宣城公鸞  
謀繼大統多引朝中名士參畫侍中謝朓心不願求  
出爲吳興太守至郡致酒數斛與弟吏部尙書淪曰  
可力飲此  
勿豫人事

### 郎君書

郎君書悲欲死不死三軍死尺紙田橫客走安歸先生  
血染門生衣陸家門生頸已折袁家門生遭狗齧先生  
之靈幾時沒

晉安王子懋與防閭陸超之董僧會舉兵討蕭鸞爲  
參軍于琳之所殺僧會見懋子昭基書曰郎君書也  
悲痛而卒或勸超之遠遁超之曰恐田橫客笑人遂  
爲門生所殺頭斷而身不僵門生亦助舉棺棺墮折  
其頸而死袁粲死後其家匿一少子投粲門生伙  
靈慶靈慶遂抱兒以首兒死後靈慶嘗見兒騎大龍  
兩晉南北史樂府

### 卷下

七

懺花盒

### 解散髻

華林園中宴初設彥回琵琶稱第一清歌沈季琴王郎  
三公解事惟拍張尙書尙書技偏乏稽首臣須用臣法  
臣今有法臣知書當時封禪推相如帝曰休哉盛德事  
琵琶聲停拍聲止一代風流比謝安插簪散髻解朝冠  
王郎何似吳興守力飲不肯解璽綬

王儉爲國子祭酒作解散髻斜插簪嘗謂人曰江左  
風流宰相惟有謝安意以自比齊高帝幸華林園  
宴集使各効技藝褚彥回琵琶王僧虔柳世隆彈琴  
沈文季歌子夜來王敬則脫朝服拍張獨儉無所解  
誦相如封禪書齊主曰此盛德事也齊主受宋  
禪以謝朓爲侍中不肯解璽綬乃用王儉爲之

八驕嘆

君不見鄧仲華二十佐命人爭誇又不見王僕射弱冠  
興齊推定策君名照耀同扶桑三十官止中書郎前無  
八驕任搗壁人何轟轟我寂寂絳衫戎服官門來嗟君  
殊非濟世才濟世才任輕薄驢乎驢乎汝好作如汝人  
材皆令僕

中書郎王融自恃人地三十內望為公輔嘗夜直省  
中嘆曰為爾寂寂鄧禹笑人行逢朱雀拓開喧啾不  
得進棹車壁嘆曰車前無八驕安得稱大丈夫齊  
武帝疾亟融欲矯詔立竟陵王子良戎服絳衫于中  
書省閤口斷太孫仗不果遂坐誅融嘗與劉祥同  
載祥見道旁驢曰好為之如汝人才今皆令僕矣

閱武堂

兩晉南北史樂府

卷下

八

懣花盒

閱武堂種楊柳至尊屠肉妃酤酒阿兄來盤馬走阿丈  
來醉一斗宮中夜遊誰敢毀宰相已作破面鬼

東昏侯於芳樂苑設店坐而屠肉百姓歌曰閱武堂  
種楊柳至尊屠肉潘妃酤酒東昏呼潘妃父為阿  
丈俞靈韻為阿兄沈昭畧臨死罵徐孝嗣曰廢昏  
立明古今令典宰相無才致有今日以甌擲其面曰  
使作破面鬼

合肥捷

合肥城邊鼓三下將軍乘輿不跨馬麾幢繖扇沿河堤  
兵不費多還貴寡三關關北增高樓將軍閉壘征人愁  
征人誰知法中法法在用強還用法百戰孰比將軍功  
將軍豈數曹景宗原頭射獵師不競行路空歌霍去病

韋叡體素羸每戰未嘗跨馬嘗乘板輿合肥之捷魏人歌之曰不畏蕭娘與呂姥但畏合肥有韋虎先是諸將請益兵叡曰兵貴用奇豈在眾乎梁武帝使叡救馬仙琕至安陸增築城二丈餘更開大塹起高樓衆頗譏其怯叡曰不然爲將當有怯時曹景宗救義陽頓兵不進但原頭射獵而已

### 談風月

南尚書奔競謫詹事官求不獲北尚書選格洛陽令爭不迴停年格銓選格羽林夜火尚書宅南尚書北不知宵來風月談軒渠

徐勉爲吏部尚書客有因宴求詹事五官者勉正色曰今夕祇可談風月魏崔亮爲吏部尚書停年格洛陽合崔琰上書諫不聽先是張瑒立銓選格排抑武人羽林相率焚其宅

### 山中相

兩晉南北史樂府

卷下

九

懺花盒

華陽夢破生紅塵山中宰相作外臣芒鞋尋山芝草竟茯苓屢辱官家命官家手救來巖陬先生不願金籠頭同時亦有何處士捋鬚不得臣老子

陶宏景隱居茅山國有大事每遣使咨訪時號山中宰相梁武帝遣所在給茯苓武帝手敕禮聘不出唯畫兩牛一著水草間一金籠頭武帝欲拜何點爲侍中點捋帝鬚曰乃欲臣老子耶

### 鹿子開

建康城頭眾驚走振振取人飼天狗朝呼食肉宵呼肝  
振振得人食始歡食始歡殺鹿子龍公不死鹿子死四  
十八年王氣止

梁武帝立長子統爲皇太子時民間謠云鹿子開城門蓋反語爲來子哭也後太子果薨天監十三年

都下訛言有棧棧取人肝肺及血以餉天狗百姓大懼

### 房公馬

糗盈升草盈把兒童競養房公馬見公之馬還思公連錢蹀躞奔兒童兒童粟多果馬腹更辦名香馬前哭馬

前哭因思公君不見房公之馬鮑氏驄

房謨為大甯太守有惠政以不起兵應爾朱世隆為所執以其馬別給戰士戰敗蜀人得之謂謨遇害莫不悲泣善養之謂為房公馬

### 鮮卑奴

銅拔打鐵拔元家歲將末鮮卑奴起渤海東電隱隱兮

雷轟轟朱家魏家總非匹一盲空拳一穿鼻賊來百箭

兩晉南北史樂府

卷下

十

藏花盒

殺百人武牢不死真有神宣訓宮中叩頭列一母三天

亦人傑

高歡累世北邊習其俗遂同鮮卑魏孝明時洛下以兩拔相擊謠云銅拔打鐵拔元家歲將末武牢之敗親信都督尉興慶謂歡曰王去矣興慶腰邊百箭足殺百人歡妻婁氏生六子洋演湛皆為帝時謠云一母生三天

### 水東流

欲要君四十啟叶欲爭君二千騎東帝不成作西帝征

途獻歎悲啼勿啼君心有南北此水無東西水東西猶

入海魏東西天命改

魏孝武帝惡丞相高歡西依宇文泰歡上帝四十啟帝不省泰率二千騎逆帝中途帝謂侍臣曰此

水東流而朕西上因流涕泣下帝至  
關中復與丞相泰有隙飲酒遇醜而殂

### 南飛吉

烏鴉耶燕雀耶南飛者利耶轅門中置大鼓將軍紫衣  
氣如虎彎弓北來射鸚鵡

賀拔勝奔梁三年梁武帝遇之甚厚屢乞師討高歡  
不果乃求還勝自後每執弓矢見飛鳥南向者皆不  
射之以申懷德之意 魏時童謠云可憐青雀  
子化作鸚鵡子青雀指孝靜帝鸚鵡指高歡

### 明月謠

明月明月相隨不滅昨宵入懷抱今宵委荒草

魏孝武帝閨門無禮從妹不嫁者三人皆封公主  
平原公主明月尤寵帝以之入關爲宇文泰所殺

### 狐非狐

兩晉南北史樂府

卷下

七

戲花盒

天門開焦梨狗子天邊來狐非狐貉非貉吠聲長達河  
朔青雀何嗷嗷新巢復舊巢舊巢鸚鵡啄新巢飽犬腹  
犬乎犬乎爾何酷會見金鷄樹頭哭

魏孝武時謠云狐非狐貉非貉焦梨狗子嚙斷索蓋  
指宇文泰俗謂之黑獺也 秦母孕泰時夢抱子升  
天纔不至而止 周初童謠云白楊樹頭金  
鷄鳴祇有阿舅無外甥蓋指隋受周禪之兆

### 金甌缺

蕭繹盲老公侯景跛老子中原龍戰四十春乾坤戾氣  
歸斯人斯人不來國不破誰使金甌向空墮當殺不殺  
慕紹宗當斷不斷吳老公跛奴之禍禍已酷盲僧覺成  
還骨肉

梁武帝欲納侯景曰我國家如金甌無一傷缺脫納景致紛紜奈何後以朱異言卒納之景右足偏短慕容紹宗追景急景謂曰景若就擒公復何用乃縱之湘東王釋眇一目初武帝夢盲僧託生王宮遂釋生

### 臣如龍

天子勿走馬大將軍噴大將軍勸陛下酒敢勿聞黃門郎來前且受意癡人勢亦小差未欲進食先揮刀龍耶虎耶亡崇朝亡崇朝反及禍臣如龍北面坐臣如虎尙是可臣如鼠已殺我

東魏高澄忌魏靜帝使黃門郎崔季舒伺帝動靜嘗與書曰癡人比復何似癡勢小差未澄爲膳奴蘭京所殺高洋欲受魏禪母婁氏曰汝父如龍汝兄如虎尙終身北面汝何人欲行舜禹之事乎

### 兩晉南北史樂府

### 卷下

三

懺花盒

### 寒山石

一片石寒山頂餘者誰比蛙蜩蛙聲蜩聲猶可識邢家

### 魏家工作賊

庾信使北歸人問北方人土何如曰唯溫子昇寒山一片石堪共語餘若驢鳴犬吠耳邢邵曰江南任昉文體本疎魏收非直摸擬亦大偷竊收聞之謂入曰伊嘗于沈約傳中作賊何敢言我

### 百年冤

濟南毅魄死不灰九死上叫天關開精誠入日日忽變白氣夾日如長圍涼風臺前血一斗百年來時繞階走兒今何罪生王家乞命作奴還俯首深宮半缺畱分明兒今已死忍獨生忍獨生還把缺明月不來空斷絕君

不見婁家血泪還纏綿濟南悲罷悲百年

北齊昭帝廢故主為濟南王尋復弑之立子百年為太子及昭帝疾婁太后視之問濟南所在者三不對太后怒曰殺之耶遂不顧而去 武成帝立封百年為樂陵王河清三年五月白虹圍日再重又赤星見帝欲以百年厭之使召百年曰乞命與阿叔作奴帝妃斛律氏別見帝於涼風臺曰乞命與阿叔作奴帝不聽幸殺之妃把玦不食月餘亦卒玦猶在手父光自擊之乃開

### 握槩來

臣彈箏君進酒君持觴臣為壽君王沈醉宮生春兒家  
乃有握槩臣趙郡痛哭宮門首臣為國家不為酒珠簾  
終蔽和士開兗州刺史需君來士開生趙郡死非常作  
事有龍子

### 兩晉南北史樂府

卷下

三

鐵花盒

北齊和士開以善握槩彈琵琶有寵於武成帝使士開與胡后握槩復得幸於胡后及武成帝殂後主尤委任之 趙郡王叡與司空婁定遠立請出士開外任太后命賜叡厄酒叡正色曰臣論國家大事非為厄酒後主不得已出為兗州刺史士開載二美女珠簾詣婁定遠願得一辭二宮定遠許之士開遂與胡后及後主謀殺叡 瑯琊王儼殺和士開斛律光聞之撫掌曰龍子作事固自不凡

### 劉桃枝

劉桃枝信力士所為如此事永安耶鐵籠死平秦耶露  
車死趙郡耶雀離死大明宮裏呼家家腸肥腦滿悲瑯  
琊桃枝桃枝技還絕飛向青天斬明月劉桃枝慎勿過  
君如鴝鵒見者禍嗚呼爾首何時墮

劉桃枝齊天保間力士 齊文宣囚永安王浚上黨王渙於鐵籠使桃枝就籠刺浚因自殺渙 平秦王

歸彥被獲載以露車使桃枝拉殺之桃枝拉殺趙  
郡王徽于雀離佛院瑯琊王儼將死呼曰乞見家  
家桃枝以袖掩口殺之周章孝寬畏斛律光縱謔  
言曰古升飛上天明月照長安光字明月故言光  
至涼風臺桃枝自後撲之不仆光反顧曰桃枝嘗為  
如此事我不負國家齊文宣嘗使桃枝殺高德政  
桃枝不敢下顯祖  
怒曰爾首即墮

### 金叵羅

為丞郎郎善盜金叵羅在官帽為達官官善温胡桃油  
獻至尊為三司司善刺黃金丹寬一死為流囚囚善柔  
蕪菁子薰兩眸盲人當國亦識古官欲殺弟引慶父盲  
人當國還傾朝官欲殺舅引薄昭盲人耶竟誰恃外有  
和老公內有女媧氏

### 兩晉南北史樂府

#### 卷下

古

懺花盒

北齊著作郎祖珽疏率無行嘗因宴失金叵羅于珽  
髻上得之武成帝為長廣王時珽為胡桃油以獻  
武成帝將殺珽珽曰陛下勿殺臣臣為陛下合金  
丹因徙光州置地牢中夜以蕪菁子為燭由是失明  
胡長仁瑯琊王儼之死皆珽引經成之珽媚後  
主保母陸合萱謂後主曰合萱女媧以後一人而已

### 延年杖

延年杖南面植大司馬前為進鳥太師前為設席皇帝  
陛下北面進爵百僚捧匱三公洗勺臣學孫吳不學孔  
孟羣公雍雍陛下至聖

周武帝視太學以太傅于謹為三老賜以延年杖謹  
入門帝迎拜謹答拜太師宇文護設席謹升席南面  
坐大司馬豆盧暹正鳥帝立于斧扆之前西面有司  
進饌帝跪設醬豆袒割謹食畢帝跪受爵以醕謹  
幼好孫子兵書于  
經史但畧窺而已

無愁曲

日短短苦未足夜遊還秉燭琵琶絃撥無愁曲鬪鷄開  
府鷹儀同無愁天子歡無窮歡無窮起相和杞人莫自  
憂天墮女媧宮中捧石坐

北齊後主好自彈琵琶為無愁之曲內侍和者百數  
民間謂之無愁天子 有鬪鷄號開府狗馬及鷹皆  
有儀同郡  
君之號

百升謠

清風園中菜租減盲老公言百升反棗枝十束弓廿張  
百升反具何尋常老公言時老母証官家比來亦大聖  
天亡明月資秦人中河不事椎層冰吁嗟二妃一皇后

兩晉南北史樂府

卷下

五

懺花盒

敕勒老公知不久

北齊後主以鄴清風園賜穆提婆於是官無菜賒買  
于人負錢至三十萬斛律光以為言提婆大怨 祖  
珽以韋孝寬謠言啟後主且續之曰盲老公背受大  
斧饒舌老母不得語盲老公自言老母指陸令萱後  
主曰人心亦大聖我前疑其欲反果然 籍光家得  
棗枝二十束弓廿張 先是周人懼齊兵之西度恆  
以冬月中河椎冰及齊政衰反畏  
周至冬月冰結齊嘗使人椎之

殺一圍

撮許賊何能為官家更勸殺一圍平陽城頭賊鋒挫美  
人不來城不破嚴兵何紛紛伐鼓何喧喧美人一呼官  
家奔官家奔亦何往君不見馬上徒膺禕翟榮車前已

作降王長

周師圍急安吐根曰一撮許賊馬上刺取鄴汾水中  
耳後主與馮淑妃繼于天池聞晉陽陷齊主欲還  
淑妃請更殺一圍齊人作地道攻平陽城陷十餘  
步將士乘勢欲入後主救馮淑妃共觀之妃粧點不  
時至城遂不下先是後主以淑妃爲有功勳將立  
爲左皇后遣使詣晉陽取服御禕翟等至是過於中  
途後主按轡  
爲淑妃著之

### 腳杖痕

欲從君君不可從陛下爲不孝孝伯爲不忠欲爲身身  
不可避堂上有老母地下有武帝天昏昏誰與伸嗟嗟  
陛下勿捫腳杖痕

周宣帝爲太子時有過武帝輒加捶撻及武帝崩捫  
杖痕大罵曰死晚矣宣帝嘗從容問鄭譯曰我腳  
杖痕誰所爲也對曰事由烏丸軌宇文孝伯宣帝  
與孝伯謀殺齊王憲對曰陛下爲不孝臣爲不忠  
兩晉南北史樂府卷下夫

尉遲運勸孝伯出外孝伯曰今堂上有  
老母地下有武帝爲臣爲子知欲何之

### 景陽樓

樓高高插天表玉樹一聲天下曉宮中天子樂事新一  
日可敵千萬春齊軍三來周再至不恃人心恃形勢宮  
女烟花狎客箋送君還上九重天噫吁嘻胭脂井冷何  
堪辱此間樂復不思蜀一曲吳歌酒千斛

陳後主聞隋兵臨江曰王氣在此齊兵三度來關兵  
再度至無不摧敗彼何爲者乎後主人隋嘗耽醉  
罕有醒時隋文帝問飲酒幾何對曰與子蕭暕  
飲一石每預宴文帝恐致傷心爲不奏吳音

### 高涼洗

中原龍戰苦不息兵戈變盡狼虎跡帝以倫常付巾幗

江南王氣悲銷沈銷沈忠義無一人投袂乃屬夫人城

許家善心亦國士陳亡不死隋亡死死時應愧夫人耳

陳亡嶺南數郡共奉高涼郡太夫人沈氏爲主號聖母保境拒守隋遣陳叔寶遣夫人書諭以國亡使之

歸隋夫人集首領數千人盡日慟哭許善心聘於隋會陳亡痛哭三日後以宇文氏篡弒不屈死

### 阿干歌

附外域

莫聽阿干歌阿干心獨苦棘城西去白蘭山茫茫隔今古  
阿干爲弟言馬傷君莫怒弟言報阿干連枝本同父  
阿干歌悲無窮阿干有子還思忠登高山而望遠海慨  
異國之朝宗阿干歌歌自悼阿干有孫還識孝報讐不  
得雷讐衣縛草作讐兮射讐貌阿干歌歌以風此歌安  
兩晉南北史樂府 卷下 七 懺花盒

### 得流寰中君不見宋湘東與梁湘東

河南王吐谷渾慕容廆之庶兄也因二部馬鬪廆使讓之吐谷渾遂度隴而西居於白蘭地方數千里廆追思之爲作阿干之歌 河南王吐延雄勇多猜忌爲羌酋姜聽所殺子葉延立痛念父讐常縛草泣射白蘭王阿柴登西強山觀塹江源見水東流慨思朝宗因遣使入貢於宋

### 魚鼈橋

高句麗乃是河伯之甥赤烏子精誠貫日日倒戈河伯  
乃遭魚鼈爲填河魚耶鼈耶今日濟我犬耶豕耶昔日  
飼我

高麗王嘗得河伯女閉於室內女爲日所照遂有孕生一卵大如五升王棄於野犬豕飼之後破卵得一子名曰朱蒙 高麗人謀殺朱蒙朱蒙出走遇一大水無梁後追騎至急朱蒙告水曰我是日之子河伯

外甥今追兵垂及如何得濟於是魚鼈爲之成橋

### 鬼鼓喧

銀刀霍霍波粼粼江魚見水不見人與魚同居識魚性  
刺魚要伺魚入定魚一尾直百錢得魚買醉神祠邊深

### 秋鬼鼓何填填

獠人能臥水底持刀刺魚百發百中以口嚼食以鼻飲取人面皮籠之于竹及燥號曰鬼鼓每有慶賞之即

### 雌雉卜

羽肅肅飛來手中伏男王叩頭女王祝欲得粟須剖腹  
腹中粟如玉今年穀大熟九層樓中仙樂作蘇毗千秋

### 兩晉南北史樂府

### 卷下

### 六

懺花龕

### 阿修羅萬福

女國在葱嶺南世以女爲王姓蘇毗俗祠阿修羅神歲初以人祭祭畢入山祝之有一鳥如雌雉來集掌上破其腹視之有米穀則稔瓦礫則凶謂之鳥卜王嘗居九層樓

### 金羊牀

陽春有腳不得走赤帝騎龍作歲首蠻王笑擁金羊牀  
琉璃珊瑚琥珀光真珠瓔珞垂兩襜七月七日華筵張  
腰銀弓手金戟橐駝飛來能啖客

波斯國王坐金羊牀視朝國以六月爲歲首有鳥如橐駝能高飛丈餘食草與肉亦能食人其國嘗以七月七日宴會

### 新羅人

新羅人新羅人新羅山多水復險終古猶匿秦遣民當  
是避秦竟深入深入千年作都邑武陵太守空驚傳甯  
知處處皆桃源桃源中共棲歇他時飲馬長城窟城邊  
猶認秦時月

新羅國其先世本秦亡人避長城役來此馬  
韓割其東界居之以秦人故名之曰秦韓

兩爲歲

婆羅蠡鼓喧沙堤綠魚千頭迎客飛舟行海中不見海  
云是鯨鮓腹中水王開北戶迎北人蔗酒既設椰漿陳  
椰漿陳且高醉春爲年兩爲歲

赤土國在南海中冬夏常溫多雨少霽 隋使常駿  
通之既入海見綠魚羣飛水上又數日至一處水色

兩晉南北史樂府

卷下

七

蠟花盒

黃氣腥舟行一日不絕云是大魚糞也 其國重北  
戶北面每有南使至則啟北戶迎之 以甘蔗作酒  
亦以椰漿爲酒

孔雀羣

孔雀孔雀頭珠懸尾翠壓朝飛暮飛與人狎蠻中不識  
文禽尊呼作家鷄與野鴨毛霏霏羽堪衣尉犁山北不  
可棲雀乎何不東南飛

龜茲國土多孔雀羣飛山谷間人取而食之葶乳如  
鷄鶩其王家常養千餘隻 尉犁山在龜茲國南

燉煌西

燉煌西白骨撐日月飛不進鬼火欲與天爭青朝行暮  
行不見影鬼神西來落空井魑魅耶魍魎耶叢叢細草

生枯骸枯骸欲歌人欲哭燉燉之西且裹足

高昌國在燉煌西自燉煌向其國多沙磧茫然無有蹊徑欲往者尋其人畜骸骨而去路中每聞歌哭聲行人尋之多致亡失蓋魑魅魍魎也

日出處

子夷人不可悉我家乃在扶桑之東見日出出不識日所歸茫茫渡海尋光輝尋光輝光欲竭汝家乃在滄溟之西見日沒日出必有方日入必有鄉願隨東升日

東升朝日王

倭國入自稱子夷其王以天為兄日為弟嘗以夜半治事至日出而息曰付諸弟其誕妄如此 隋時遣使入貢曰日出處天子致書日入處天子無恙

兩晉南北史樂府

卷下

三

鐵花盒

兩晉南北史樂府卷下終

跋兩晉南北史樂府後

屠紳課

小年欲嚮堪逞志者墨兵大雅相歡仁移情兮樂部擅  
三長而擗管原四始以審音聲與政通辭緣情綺論詩  
每稱爲史咏史那得廢詩振古如斯當今無輩耳洪君  
對巖才不患多書能求間以譚天之口成擲地之聲謂  
夫兩介山河六朝金粉天醉投壺之酒感此茫茫人迷  
夾岸之花憐其擾擾龍爭人好奇之局鵲起高鬣靡之  
文試將翠管填詞難盡摸魚戀蜨若命紅牙按曲何妨  
換羽移宮爰變新聲獨彈古調事或未經人道言無不

獲我心晉啟化龍陳亡擒虎三百年王氣將終甥承冒  
兩晉南北史樂府

一  
懺花盒

頓鼻代字文十六國人情可見易淫哇而高如白雪裁  
穢史則穆若清風蓋筆有鹿盧胸無芥蒂矣若夫呼稀  
飲馬陳陳已苦於相因鹽州石壕戛戛更難其獨造何  
似取千秋金鑑爲兩部鼓吹登傀儡于場中追魂而攝  
魄寄陽秋于皮裏怵目以劔心縣門且不易千金畫壁  
豈徒驚一絕此日博聞強識官可秘書異時按部就班  
耶宜協律走也不知許事欲喚柰何樂認鈞天編疑豔  
異彼羌無故實等閒當賸馥殘膏苟別有會心遮莫付  
銅琶鐵板

唐府

宋式

小卷

樂



唐宋小樂府

目錄

投牀下

入牛口

起義兵

與公訣

房公謀

三斗蔥

天策府

文佳帝

求繭紙

新豐酒

十三人

呼畫師

凌煙閣

醉鄉記

修本草

遠佞人

唐宋小樂府

目錄

今接輿

撲此獠

十八人

阿母子

倭子孝

安金藏

劉智遠

今董狐

生張說

朝陽鳳

眼孔大

蜀當歸

賢宰相

用康訥

檐鈴聲

汾陽王

中興功

驪山泉

偃月堂

兄與妹

祿山反

六等罪

于蔦于

嗅靴鼻

劉忠州

盲宰相

某可相

一丁字

兩拾遺

陽道州

陛下誤

祐膽落

送臨賀

少連笏

雁塔名

呼陸九

十六子

中興相

甘露變

仙韶院

唐宋小樂府

目錄

二

懺花盒

好羸馬

五色雲

中朝黨

柳長官

孔吏部

紇于雀

投濁流

花林坊

馬爭棧

唐天子

前進士

羅秀才

修降表

殺高郁

耿先生

殺潘福

十國紀

依樣畫

豹留皮

長樂老

王官谷

降王長

淚洗面

鑄錯字

讀典墳

致太平

不曉天

女堯舜

求髮白

楊無敵

得狀元

尙書令

艮嶽成

誤後世

黨人碑

城門開

冬青樹

婦長舌

曲端旗

和議成

唐宋小樂府

目錄

三

懺花盒

梨花槍

打六更

岳家軍

賈平章

放白鴿

鄭所南

鬪蟋蟀

唐宋小樂府

陽湖洪亮吉著 山陰宋澤元瀛士校刊

投牀下

開國主顏如婆婆形取嗤楊阿摩投牀顧欲拯舅氏宮  
中反出奇男子

入牛口

流星大如斛流星大如斗隋家天子下殿走君不見鄭  
家天子持羊干夏家天子入牛口

起義兵

唐高祖起義兵何不學湯武乃襲禪讓名

唐宋小樂府

一  
懺花盒

與公訣

殺建成殺元吉侯君集張亮又復與生訣君不見誅管  
蔡族信布上法周元公下法漢高祖

房公謀

房公謀杜公斷不數蕭曹在西漢英公衛公逾絳灌君  
不見魏徵嫵媚誰可方西京庶比張子房

三斗蔥

甯食三斗艾不見屈突蓋甯食三斗蔥不見屈突通屈  
突通生勳第一死諡忠只惜面縛來河東

天策府

天策府足文武右班徐李左房杜一傳已復作叛臣杜  
衍房遺愛復有徐思文

文佳帝

作尼能奪壻作后先奪帝牝朝誰與開先聲文佳皇帝  
陳碩貞

求繭紙

唐貞觀盛天子結習未忘何至此乃向雉奴求繭紙

新豐酒

長安百萬宅新豐一斗酒鳶肩火色人可惜不得久君  
不見襄公鄂公何足多薦土轉不如常何

唐宋小樂府

二

戲花盒

十三人

十三人破萬人倘不反誰等倫豆子甃高雞泊霸才不  
入凌煙閣就中最惜王君廓

呼畫師

護兒兒作相世南男作匠君不見闕家兄弟更可嗤爲  
宰相爲大匠爲畫師

凌煙閣

凌煙閣升功臣文學館升詞臣二十四輩十八人何須  
復圖李嗣真

醉鄉記

一家著述誰最長撰成世說記醉鄉君不見大儒縱自  
推文中究不若醉鄉居士王無功

修本草

七略詳素問七錄升本草吳公華公所摻討唐興百事  
皆修明李姚史學賈孔經醫方亦校于志甯

遠佞人

魏徵勸我遠佞人佞人誰士及裴矩同封倫君不見佞  
人畢竟不可離兩朝富貴封德彝

今接輿

一友古許由一作今接輿一師張畱侯一奉陶隱居丈  
唐宋小樂府

三

藏花盒

人舟居士屨何似酒家南董好大業貞觀皆醉倒

撲此獠

還笏起血漬袍簾中乃云撲此獠君不見此獠撲殺罪  
亦當仁師劉洎命合償

十八人

終身讓路不枉百步終身讓畔不失一段君家難弟見  
亦真絜身不預十八人

阿母子

阿母子作皇帝裏兒亦欲緣此例君不見太平安樂遞  
擅朝此時皇后躬南郊

倭子孝

倭子勸食我必飽倭子進藥病必好君不見母得此兒  
可不死安得家家有倭子

安金藏

中興唐祚說五王論功不及安金藏

劉智遠

頭顱一擲幾不完改名且復稱儒冠改名誰劉智遠後  
六百年當帝漢姓名先已成左券

今董狐

劉知幾死那可誣不畏生張說只有今董狐

唐宋小樂府

四

鐵花盒

生張說

纔脫稿已立碣死姚崇算生張說

朝陽鳳

言路通主德崇言路絕國祚戾牝朝氣運亦已終一朝  
威鳳鳴神龍

眼孔大

是何胡兒眼孔大宰相尙不足只欲升御坐

蜀當歸

葉法善追魂碑何似羅仙翁能貽蜀當歸

賢宰相

賢宰相大手筆源張宋比漢三傑君不見開元相姚元  
崇天寶相楊國忠一朝賢佞何不同至今人惜唐元宗  
用康晉

僕射弄麀侍郎伏獵河湟使典專主調燮此時康誓誠  
惶惶日夜佇望官平章

檐鈴聲

鈴解語嘲君王三郎郎當郎當三郎

汾陽王

爲大將爲福將終唐世無與抗規模略具西平王已與

宰相多參商

唐宋小樂府

五

懺花盒

中興功

中興功不可刊李郭爲其易張許爲其難

驪山泉

周驪山烽火揚唐驪山泉水香一水一火國祚顛簸如

何驪山兩值女禍

偃月堂

堂偃月閣格天一堂一閣構造完全甌天下已不全

兄與妹

兄封衛妹封號一以讒一以色一傾城一傾國

祿山反

祿山反張公知朱泚逆姜公知烏乎宰相有真識兩朝  
天子轉溺惑

六等罪

六等罪案如鐵張均張垪及希烈畢竟凝碧池難恕王  
摩詰君不見詩家可惜無鑑別如何杜八哀乃附鄭三  
絕

于薦于

縱不識顏太師不可不識元紫芝縱不識段忠烈不可  
不識道州結君不見君家諷頌何紆徐十篇猗玗洞一  
曲于薦于

唐宋小樂府

六

懺花盒

嗅靴鼻

一則嗅靴鼻一不交一言若欲覘宰相孰佞與孰賢

劉忠州

言利臣首宇文君不見劉忠州雖富國已殺身何況韋  
堅王鉷場慎矜

盲宰相

盲宰相見地一何決李元平當李希烈

某可相

某可相某可將人方比伊周自復擬葛亮苑中天子射  
兔忙偏教母死不發喪

一丁字

能識一丁字勝挽弓十石君不見三傳宰相真寡識二  
聖在河北竟欲呼作賊

兩拾遺

至德中大厯中兩拾遺真鉅公李嶠元稹作才子豈比  
詩仙與詩史

陽道州

陽道州卻詔書臣州民短皆侏儒君不見道州愛民有  
如此直諫何妨忤天子

陛下誤

唐宋小樂府

七

懺花盒

由畿尉擢言路如何新進臣敢說陛下誤文章一代推  
中唐柳韓元白各擅場品端終屬兩侍郎

祐膽落

居王屋爲處士居朝堂爲御史李祐雪夜成奇功今日  
膽落朝堂中

送臨賀

送罪人乃進職不負楊臨賀自不肯負國

少連笏

秀實笏擊賊臣少連笏擊姦臣姦臣擊縱不得死不可  
謂非偉男子

雁塔名

大雁塔小雁塔進士題名何雜選李白杜甫蓋代才可  
向塔上題名來

呼陸九

唐宰相資格可弗論翰林學士須得人君不見九重待  
若師舉友天子并聞呼陸九

十六子

八關十六子黨禍自此始孤寒八百淚并流此時畢竟  
思崖州

中興相

唐宋小樂府

八

戲花盒

中興宰相誰最優唐惟李文饒漢則魏弱侯

甘露變

用李訓用鄭注赤族禍兆甘露君不見當時宰相最尸  
素莫更追嗟牡丹賦

仙韶院

飯何所木蘭院錢何所仙韶院一家將相三十年少賴  
伊蒲餐老給優伶錢

好羸馬

甯就蔭不試文好羸馬不入羣會昌一品集三唐進士  
皆不及

五色雲

文章好門闕好天瑞五色雲人瑞鄭仁表君家一事笑  
煞人歇後鄭五爲相臣

中朝黨

河北賊易易耳中朝朋黨開不止黨人禍結唐已亡絕  
不關黃巢亦不關朱梁

柳長官

屈一州壽天子柳泌公然爲刺史君不見丹方莫笑柳  
長官鄭注藥要人心肝

孔吏部

唐宋小樂府

九

懺花盒

孔吏部不樂居朝當有故

紇千雀

離函秦入京洛紇千山雀何不樂

投濁流

唐家黨禍今始休清流均已投濁流

花林坊

生何所花樹鄉死何所花林坊君不見韋平章詩名可

繼韓致光

馬爭棧

三羊五馬擾及天下馬爭棧羊脫韁羊已屠馬亦亡

唐天子

夜郎自大竟如此洛州刺史唐天子

前進士

侍中多節使多君不見頭銜何似梁高士前進士名堪沒世

羅秀才

沈校書杜主客可憐唐進士聯翩盡臣賊君不見羅家秀才未脫白請兵誅梁一何力

修降表

一隅蜀何草草五十年中兩西討君不見文臣不合似

唐宋小樂府

十

懺花盒

李昊生世偏工作降表

殺高郁

唐天子何太酷一語居然殺高郁

耿先生

前朝天子方服丹後宮太后飛入山飛入山從道士如何耿先生亦復善生子君不見長身玉貌殊可憐賣藥市上求青錢

殺潘福

金陵城甯作潘佑死不作張洎生君不見悔殺此人方出齒明日牽機藥隨至

十國紀

典午十六國大半起西北唐餘十國帝復王十九皆起  
東南方

依樣畫

陶學士佐命功禪稿文出袖中朱梁周郭皆禪讓君畫  
葫蘆亦依樣

豹雷皮

人雷名豹雷皮豈特王太師兼有王凝妻男能斷頭女  
斷臂千載英英有生氣

長樂老

唐宋小樂府

士

馱花盒

五代十數君無一臻壽考九朝歷事只一人死同宣聖  
年生作長樂老

王官谷

蹂函秦躡京洛賊不敢入王官谷詩人一例悲滄桑司  
空表聖韓致光

降王長

唐李煜蜀孟昶可惜覆國遲不作降王長

淚洗面

朝辭秦淮莫入汴此間旦夕淚洗面淚洗面何時乾不  
若叔寶無心肝

鑄錯字

雖去逼已失勢四十三縣鐵難鑄一錯字

讀典墳

生明時讀典墳不然詠作何等人

致太平

半部論語王業成一篇周禮致太平宋朝儒術何崢嶸  
君不見學究來宋阼開語錄布傾宋阼

不曉天

祥符中宰相好歌柘枝輒醉倒戴花喫酒須年少不見

宋家天不曉

唐宋小樂府

女堯舜

十三

懺花盒

青苗除免役除女中堯舜誰得如君不見內朝亦建宣  
仁號仁政仁心法仁廟

求髮白

染髻鬢染鬢髮染黑作白求宰執染白作黑媚側室君  
不見今人古人何太遠甯作寇準無陸展

楊無敵

李無雙楊無敵兩名將光簡策君不見一旣值衛青一  
復逢王詵陳家谷遂殺身數奇亦似飛將軍

得狀元

得狀元由手搏狀元由手攜尙勝神祕閣

尙書令

尙書令中書令一張元執國柄西師十萬趨延安此時  
空說有范韓

艮嶽成

艮嶽成大有益北師攻城多砲石

誤後世

不可作平章事尤不可作學士君不見新法行害一世  
新經行害百世

黨人碑

唐宋小樂府

三

懺花盒

碑磷磷列黨人碑首有君實碑尾無安民

城門開

言路開城門塞城門不塞言路塞靖康內禪亦可哀城  
門言路已並開二帝北狩何時回

冬青樹

花石綱北宋亡冬青一樹畢宋南渡

婦長舌

臣黏罕臣兀朮夫長腳婦長舌

曲端旗

十萬師敗符離畢竟元帥符不如曲端旗

和議成

和議成兵革偃清涼居士時策蹇

梨花槍

梨花槍擾淮北可憐二十年夫妻迭作賊

打六更

五更雖轉六國祚不可續

岳家軍

甯撼山撼山易撼岳家軍難岳家軍易耳除大將只

小紙

賈平章

唐宋小樂府

古

戰花盒

賈平章木棉菴何如半閒堂

放白鴿

放白鴿放白鴿引得白雁來宮中盡臣妾

鄭所南

畫樹不畫根畫蘭不畫土誰說鄭所南不及王炎午

鬪蟋蟀

荆襄一帶勝敗輕正鬪蟋蟀爭輸贏

余年甫弱冠在外家團瓢書屋授諸表弟經時甫卒業史記漢書未暇讀他史也見案頭有新舊唐書五代史宋史暇卽取閱之日二卷爲率太宜人時依外王母龔太君以居太君年耄喜說稗官及厯史諸故事余出塾後卽以日所閱者抑揚其說爲太君言之太君及太宜人喜輒爲進一餐樓前有老杏一株枝葉森茂五六月間輒坐樹下陳說旣畢事因以己意製唐宋小樂府百篇太君尙袖范祖禹唐鑑以賜云亮吉識

唐宋小樂府

五

織花盒

第 150 号

